


LINCOLN ROOM
UNIVERSITY OF ILLINOIS
LIBRARY



MEMORIAL
the Class of 1901

founded by
HARLAN HOYT HORNER
and
HENRIETTA CALHOUN HORNER

Abraham Lincoln Toni Kin

Æsop Towoyake Kin.

Abraham Lincoln

TONI KIN,

— QA —

Æsop Tarwoyake Kin.

Life of Abraham Lincoln
and
Æsop's Fables.

SANTEE AGENCY, NEB.:
A. L. RIGGS, Publisher.

1893.



173.7233
6.7.12

ABRAHAM LINCOLN TONI KIN.

Woyakapi kin de token hoksídan onsíka wan icaǵe, qa wicaśta tokan token wawokiya okihi he oyakapi.

Tohan Abraham Lincoln cistinna, hinañ waniyetu śakowina, hehan atkuku kin Kentucky makece kin hetanhan Indiana makece itokañ wiyohipeyata tanhan iyotanke. Hinañ heehan makece kin hena en tuwedan ounyanpi śni. Den tipi iyotan onśiya kaǵapi kin heca wan ohna un. Tiunnaptanyan kin yamnikiyena kaǵapi, qa wanji ohna okotonyan he, qa oceti kin hen ohna tankan yanke. Can owinja wanica. Tipi decece cin hena “tipi hankedan” eya cajeyatapi. Qa wakeya ikcewicaśta otipi kin hee kaes iye-

cen wašte śni. Qa tona tipi dececa ohna tipi kin, wokoyake, woyute, qa owinja kin nina lin śicaya unpi ecee.

Abraham Lincoln onśika, cistina ešta tuktektan conwancata tipi en wayawapi kin opa ece. Qa he ehan Indiana en wayawa tipi kin owasin caukaga tipi, qa maka oceti tankinkinyan unpi, qa waniyetu eca nina peta kin śla se ocetipi ecee. Hoksīdan wayawapi kin iye canihdaksaksapi qa ahipi ecee. Hehan wayawa tipi kin dena can-owinja kin onspe on kakan kamdaskapi ecee unpi. Qa tona waonspekiyapi kin wiza eceepi, qa nina wawitonpapi śni, qa wayawa wicakiyapi owasin cansakadan eceedan on waonspe içiciye wicakiyapi. Waonspekiye dececapi kin hena taku ota sdonypa śni. Hececa tuka Abraham Lincoln cistinna kin ecadan nape on wowapi kagapi onspe, qa tona okśan tipi qa iye atkuku ko, nina wowapi wicakicicaga ecee.

Lincoln, oun dececa en, wowapi ocaje o-takiya onspe içiciya okihi śni, tuka wowapi tona yuhapi kin hena nina itonpeyabanli yawa ecee, qa hena Wowapi Wakan, Aesop Tawooyake, Cante Teca, Washington Toni kin, qa Henry Clay. Dena akibdehde yawa ihunniye, sanpa wowapi tokeca yawa kta wanice nakaeś. Tohan taku iwohdakapi wanji, taku itaneanyan cajeyatapi kin okalinige śni eca, isnana makotahedan un kin hehan, he aiynukan un, qa token wicoie o-okahinili wašte on yutanin kta ohna ehua-ke wacin ecee. De wicotawacin tawa kin wicoie kipi lica ohna yutanin kta onspeici-
ciya; ohanhdeye içiye wacin kin he iyotan woonspe wašte e ohna onspeiciye. Hoksi-
dan qa wicinyanna ota woonspe wašte qa wowapi waštešte on onspewicakiyapi šta, to-
hinni iye wihtukeanpi kta onspepi śni.

Tohan tuwe onśika cin hehan mazaska to-
nana ešta ota lica daka ece. Anpetu wan,

Abraham Lincoln, wanna waniyetu akeśa-hdogan kin hehantu, Ohio wakpa kin en opta wicaśta nom walipaye koya watom peta wata en awicai. Heon wicaśta mazaska okise kin heca nom qupi, unkan Abraham nina wiyuśkin. Hokśidan onsika wan heceli kohanna mazaska ota kamna okihi kin he awacin, unkan taku owasin sanpali wicimdeze seca keya keyapi.

Anpetu kin hena en, Indiana itokagatanhan unpi kin taku malitipi en icaliyapi kin New Orleans otonwe kin ekta wata ohna ayapi ecee. Wamnaheza, peji, qa mdo hena wata mdaska tanka en ohnakapi, qa Ohio wakpa kin ohna okalipa ayapi, qa ecen Mississippi wakpa kin en iyo-lipayapi ecee.

Wata kin dena wanjigji siha iyutapi opawinge hehanhanyan hanska kagapi. Decen econpi kin nina oicimani hanske, qa tuktekten wata ayapi kin wata kin ecehna akan

tipi, qa anpetu wakan odota akan yakonpi ecee. Wata kin dena iwatope nina hanskaska, hecen wicašta nom qa tuktektan tom hehanhanyan akiptan watopapi ecee. Lincoln waniyetu akenapcinwanka hehan, wata kin de wanji aye kiyapi. De toka oicimani sdonye, qa makoce tankaya wanyanke.

Wanna waniyetu wikcemna noupa sanpa wanji, qa wicašta icage cin, hehan siha iyutapi šakpe sanpa napahunka iyutapi topa. Atkuku wicašta onšike kin heca, heon ake piya makoce teca ektawapa iyo-tanke, qa Illinois makoce hetu. De en atkuku cande okiye, qa tipi wan kağapi, qa wamnaheza ojupi okšan conkaške kağe, qa he en tokaheya mahconkaške kasdece. Hehan wokoyake ihdamna kta on okšan tipi kin ecen litani wawokiya omani.

He ehan wiyohpeyata wicašta ounyanpi kin tawokoyakepi owasin iye napepi on kazon-tapi ecee. Lincoln conkaške opawinge tom

kakse eca minihuha iyutapi wanji kanna ecee. Okinni hanske qa minihuha iyutapi ota onzoge ye icante šica naceca.

Lincoln inonpa New Orleans ekta wata ohna i, isto kukne niyake awicaye. Unkan heya oyakapi, wata kin en okaham iye-wicaya okihi šni heon owasin yuwankan otowicakšu keyapi. He hdi kin ohakam malitipi mazopiye wan en mazopiye awanyagkiyapi, qa he en owanjigji yanke cin icunhan nina wowapi yawa ecee. Is eya wicašta wan Franklin eciyapi kin he iyecece, tukten cistiyedan taku econ šni eca hen taku onspeiçiciya ecee. Mazopiye kin de en taku owasin owotanna qa itonpeya econ on yao-nihanpi, qa ohinni hetanhan hecen ecee un. Tohinni hdušna on mazaša šakpe kitanna sanpa ieu, unkan, hanyetu tka, tuwe he etanhan ikieu kin he ekta kicicai. Qa akeš iyohakam winyan wan walipe pejuhuta ope-ton unkan tkeutapi cistina, *ounces* eciyapi,

nom yuśna, unkan tehantu eśta ekta mani i qa kicu oyakapi.

Taku wanji nina onspe cin lice cin he iapi oeye owecihan kin hee, hecen wohdaka eca iapi tanyan un kta; tuka on onspeiçi-ciyapi wowapi kin tonana qa telike. Unkan wicaśta wan maka iyutapi śahdoğan ti qa heca wanji yuha keyapi nañon, unkan ekta mani i, qa okidote, qa on onspeiçiciye; qa tohan wanji okaliniğe śni ca, waaiia wicaśta wan, mazopiye en hi ecee, iwanğa eca tanyan ecen okiyaka ecee oyakapi.

Omake 1832 en okicize wan, Cetansapa tokicize eya cajeyatapi, Illinois makoce he-tu, he en Lincoln Cetansapa kize kta e itancankiyapi içiçu. Eya itancankiyapi eśta iye atayedan okicize kin en ope śni. Hececa śta tuktektan owehanhanyan heya ecee keyapi, Cetansapa kiciwecize qa we mayanpi qonhan, eya wohdaka ecee.

Tohan Captain Lincoln Cetansapa kici kicize enakiye cin hehan hdi qa malitipi ma-

zopiye wan opeton, qa New Salem en ti. Tuka koška wan kici mazopiye ehde qon he wašte śni, heon oicazo ota kađe, a mazopiye kin atakuni śni. De on waniyetu śakpe oicazo yuha un, qa hehanyan token okihi mazaska kin kpatan, qa ecen oicazo qon ataya hdajuju. Hehan akeś, mazopiye he ayuŝtan kin he iyohakam, wowapi ojuju tipi awanyake. Qa de hewoskan wowapi ojuju tipi heca, heon tuwe tawotanin wowapi kaešta icu qa odod yawa ecee. Hehan tohan ti iyaza wowapi pamni kta eca, wapaha mahen tanhan ohnake qa iyaza pamni ece.

Hehan akeś okihe, maka iyuta kin heca. Tuwedan onspekiye śni; eya unma woonspe kin hena iyecen iś eya iyecinka onspeičiye. Wicašta kin de owotanna ihduhe, qa ohinni wawihaliaye. Wohdaka wayupike, qa wowihahaya wohdake sa kin hena on oyate ehna wašte dakapi un. 1834 en Illinois makece kin en woope aiapi ope kiyapi. Un-

kan, tohan wanna iyehantu kin hehan, maka iyutapi opawinge mani i; qa wokoyake tiyata kazunta kagapi kin heca tawanji un i. Qa tohan wakiia enakiyapi hehan ake hdi, qa makiyutapi wicohan hduha skan. Qa heon tohan mazaska iyakiçuya kamna eca on woope aiapi onspeiciye; qa tohan mazaska hdusota eca ake on makiyutapi ehdaku, qa maka iyuta omani ecee.

Omaka 1837 he ehan, Springfield ekta waaia wicohan yuha iyotanke. Hehan makoce toktokeca ecen waaiapi kin hena ecen omani ecee; qa Lincoln hecon, qa ecen wakiia wayupika heca icaga. Tohinni woaie wan owotanna sni kinhan, eciyatanhan wawokiye kta cin sni; qais wicaŝta wan onŝikka sdonye cinhan tohinni etanhan wokajuju icu kta cin sni, heon jica sni. Lincoln tocantekiye kin un ecaŝ taninyan on. Anpetu wanji omani ya icunhan, kukuŝe wan hidihdidan wan en mahen oiçihi sni wanka

e wanyake, qa he icunhan wokoyake teca tawanji un, hecen kukuše upśiza oha kin he otan kta cin śni, qa hecen sam iyaye. Tuka kukuše kin he tawacin kin etanhan tokan iyaye kta okihi śni, hecen wana maka iyutapi nom ya tka, śunktanka kin bdubomni, qa kukuše onśike kin he okiye. Iyohakam he ohlake, qa tawacin kin yazan kin he yutokan kta on hecon keye.

Tohinni wiwazica onśika wan, hekta Lincoln he okiya ece, unkan cinca wan tin wicakte iyaonpapi; qa waaia tipi en waayatanin eciyatanhan, koška kin he witko kicizapi en he wicašta kin kte, keya yutaninpi, qa tuwe lice owasin koška kin pa yuksapi kta kecinpi. Hehan Lincoln woiwange ohnayan waayatanin kin he tinwicakte wanyake cin he hanwianpa en hecon wanyaka keye, tuka wiya-wapi wowapi wan sicanopiye tanhan ehdaku, qa wicašta kin he ktepi kin he iyehan hanwitanin śni e wicakipazo; hecen koška kin

tinwicakte śni yawapi. De hecen econ ešta winyan kin etanhan wokajuju icu kta wica-da śni.

Omaka 1846 he en Abraham Lincoln tunkanśidanta wakiiapi ope kta kalinigapi. He icunhan Mexico ekta okicize. Qa anpetu kin hena en itokali makoce kin hena ekta wašicun sapa wayaka wicayuhapi kta woiyowinkiye. Waziyatanhan makoce kin hena is en wayaka wicayuhapi kta woiyowinkiye śni; hecen hena makoce tawaičiya eya cajewicayatapi, qa unma kin hena wayaka makoce eya cajeyatapi. Qa de icunhan woa-kie wanji tunkanśidan ti en akinicapi; makoce yuŝtanpi śni, *territories*, hena en wayaka yuhapi kte qaiś yuhapi kte śni he ni-na akinicapi. Qa Lincoln heconpi kta iye-cetu śni dake qa cajeyate, hecen ecadan woa-kinica en tokiyatanhan wawiciye kin tanin. Ecadan tookitanin kin wiyohiyanpata owancaya sdoniyapi, qa hecen Abraham Lincoln,

wowahpanica qa tipi okisedan wan etanhan inape ciqon, New York otonwe en, Cooper Institute en wicašta ota ewitayapi en, wohdagkiyapi. Hecen de iwandakapi kte, hoksidan wan cistina ehantanhan taku ke kta owasin token wicoie on tanyan yutanin kta onspeiçiciya ecee qon, hee ce wanna ie wayapike qa wicašta waonspeka ota tawoohdake kin nahon ipi ecee.

Tohan, omaka 1860 en, wayaka cinpi šni kin tunkansidanyanpi wanji kahniġapi kta, unkan wiyohpeyata wicašta ota Lincoln he cinpi. He ehan *Old Abe* qaiš *Honest Old Abe* eya cajeyatapi. Abe (Eb) wicalica qaiš Abe wicalica owotanna kin eya cajeyatapi. Tohan wanna Tunkansidanyanpi cajeyatapi kta mniciyapi kin hehan, Lincoln takodawicaye cin hena koška qehan conkaške kašdece qon nom yuha ipi, qa nina wicota awicašapi.

Lincoln kahniġapi; unma obepi kin kiyušpeya iyayapi kin heon. De tunkansidan-

yaupi kaŋinígapi ecehna ahankeya, itokaŋi wicašta om kicizapi kin hee. Okicize kin de on Lincoln tehiya un, wicašta owasin taku šni šta on bapi. Hececa šta waniyetu tona okicize kin hena en, wacintanka qa waonšida qa owotanna qa ksape cin on oyate kin qa akicita ecadan wacin en yuzapi içicage. Hehan toka ekta oyate kin deceedan ihnuhannaŋi qaiš iwanunkta-šniyan tunkaušidan-yanpi kaŋinígapi kecinpi. Tuka waniyetu kin hena en wicašta okinihan e ihduotanin, qa tohan okicize kin enakiyapi hehan maka owancaya yuonihanpi.

Okicize tanka kin wanna enakiyapi hehan oškate tipi wan mahen yanka ecan tin ktepi, April 14, omaka 1865 he en. Qa ktepi kin heon makoce dee qa Europe owancaya on wašihdapi. Cante wowaštada-ke tanka, qa nakun tawacin tanka kin hena on oyate akiceyapi.

Æsop ʒawoyaꝑe ʒin.

MISS JENNIE W. COX

QA

MISS EUNICE KITTO.

Ieska owapi.



ÆSOP TOKSAPE KIN.**MNAJA QA HITUNKADAN.**

Mnaja wan istinma wanka tka hitunkadan wan ite kin amanini un qa yuhica. Mnaja kin nina canze, qa hitunkadan iyahipaya, qa kte kta tka ican heya, "Nimaya-ye kinhan onsimayada kin on tokata cici-cajuju kte." Mnaja kin iha, qa iyayeya. De iecadan wihui wicašta mnaja yuzapi, qa hahonta on yuskiskitapi. Hitunkadan mnaja hoton kin nahon, qa iyekiya; ekta i qa hahonta kin yapsapsaka. Tohan mnaja iyayeya hehan heya, "Ociciye kta ecanmayakin sni, iyaye maye kin he ehan. Tuka mnaja wan hitunkadan wan ee kaeš wacinyan okihi." Tuwedan taku wašte econ kta okitpani eyepica sni.

KEYA QA WANMDI.

Keya wan omašte kin en amašte içiya wanka, qa wicatanktankadan kin iwicakica-pa, tuwedan kinyanpi onspekiye šni heon. Heya yanka ican wanmdi wan en kinyan u; qa nañion, qa malipiya kin ekta yuwankan aye, qa hehan ayuŝtan, qa is tohan cin ecen okalibog un kta, qa hecen ecakicon kinhan is token taku qu kta hecinhan he iwanga. “Mde Ša en taku mahen un kin iyulipa ciçu kta ce,” keya eya. “Hecen kinyanpi onspeiciye kta,” wanmdi eya: qa šake kin on yulidag yuza qa malipiya kin ikiyedat ai hehan ayuŝtan iyeya. Keya kin he wan akan hdilipaya qa ha kin kaŝuŝuja. Wanna keya te kta hehan šicahowaya qa heya, “Decen munke šta de miye miçicaga: hupahu qa malipiya kin hena iwamatokiyapa he.”

Wicašta token cinpi owasin ecen ecakiconpi kinhan ohna se woŝkiške iyahdepi ecee.

ŚUNKTANKA QA ŚUNGAWANYANKE KIN.

Śungawanyaka wan śunktanka tawa anpetu ihummiyan se kicicakca qa kicicasto ecee. Tka he ienhan akeś wayahota śunktanka yute kte cin qu śui e wiyopeya, qa mazaska e on ieu. "Humhunhe," śunktanka eya, "Tanyan waan kta yacin lice kinhan, ota womayaqu kte, qa ninali miyecasto qa miyecicakca kte śui.

Fohan wawoyakiya yacin kinhan woowotan-na ohna ecanou kte.

ŚUNKA QA IYE NAGI KIN.

Śunka wan tado onśpa yapa cankalionpapi wan opta hda un iye naġi kin mini kin en wan-iġibdaka, qa śunka tokeca wan tado kitanna tanka yapa ahda kecin. Heon iye yapa ahde cin ayaştan iyeya, unma tanka kin hee ieu wa-cin. Tuka napin hduśna, mini kin en wanyake cin he yapa ahde cin naġi kin hee nakaśi, unma iś wakpadan kin en okalibog eyaye heon.

Ninali wahduhapi kte lice kin he woksape śni.

HITUNKADAN QA SINTEŚDA IHDATAN SA.

Hitunkadan wan taku aguyapi su opiye wan en ti. He iecadan inmuśunka wan hen i sa. Hitunkadan kin nina kope hda qa token econ kte kin sdonye śni. Sinteśda wan ikiyedan ti, he inmuśunka ni un wanjidan kokipe śni, opawinge cen eya nahon he kiksuya. Sinteśda wahaniçi-da kin he wanyag ye, qa inmuśunka kin he napeye śi kta ihdukan. Sinteśda kin ohidoka tawa ohna yanka iyeya, qa śid wohdake, qa okiye kta iwanga. "Heś eca," sinteśda eya, "Token wadimatake cin iyenicece kta wada, qa taku ecanon kte cin kitanyan econ, qa inmuśunka kin en ewacin śni wo. Tokeśta cihakam wau qa najin waye kta." Heye, qa ihdatan sa kin on wanna taku wanji econ, qa on ihduotanin kta kecin. Hecen sinteśda ikiyedan tipi kin owasin mnawicaya, qa wicotapi kin on inmuśunka napeyapi kta kecin. To-

han aguyapi su opiye kin en iyuhpa hipi hehan wanna inmušunka hitunkadan witkoko ke cin yuza iyeyapi. Wancadan inmušunka hoton tka iyuhpa ohdoka kin ektakta nakipapi.

Tuwe ihdatan sa kin he wacinyepica šni.

TAJUŠKA QA PSIPSICADAN.

Waniyetu anpetu owaštecaka wan tajuška mdoketu ehan taku su ekihnakapi kin hena puskiyapi. Psipsicadan akihan ʔe kte seca wan ican en icahda ya, qa awicakehanʔi woyute onge wicakida. Hehan tajuška kin heyapi, "Tokeca unkan mdokehan niš woyute onge eyehnake šni he." "Taku ecamon ota: anpetu eca dowanpi ecee ecamon," psipsicadan eya. Hehan heyapi, "Niye wacinyaton šni qa mdoketu ihunniyan yadowan hecinhan wote šni waniyetu kin de inunke kta."

Wokuju kin he taku icakijapi kağa.

WICAHCA WAN CINCA OM.


Wicašta wan cinca koška ota ohinni se ki-eiğ unpi. Tohan wakinicapi kin wowahokonkiye on ayuştan wicakiya okihi śni hehan cansakadan apalıtapi wanji buweye wicaşı. Tohan cansakadan kin ahdıpi behan eyaku, qa koška wanji qu qa yukse śi; hecen iciyaza yekiciyapi tuka wanjidan yuksapi okihipi śni. Hehan iye eyaku, qa apalıtapi kin yujuju, qa otoiyohi cansakadan wicaqu; iyulipa wancake yuksa iyeyapi. Hehan wicoie kin dena ewicakiya, Micinški iyulipa tawacin niwanjipidan, qa otoiyohi oyeciyapi kinhan cansakadan apalıtapi kin de iyenicecapi kta, qa tona toka niyanpi kin kinunniyanpi kte śni. Tuka iyulipa tawacin niwanjipidan śni kinhan, cansakadan kin dena token kohanna duksapi kin iyenicecapi kta.

Tiyohnake tawacin wanjipidan śni kinhan, hena wicayuşicapi telike śni.

WICALICA QA KOŠKA YAMNI.

Wicalica wan can wan oju koška yamni ican en upi qa ilialhapi qa heyapi, “Wanna nikan tka can de oyaju, heon winitkotkoke cin yahdutanin. Can kin de ecadan waskuyeca aicaga okihi šni, qa wanna ecadan ni-te kte. Niyohakam tuwe tokeca dena on woiyokipi yuhapi kte on iyoniwaja kta ce ituyali decen yaškan he.” Wicalica qon wicoľian econ qon yušan qa heya. Mitokam woiyokipi mduhe kte kin wiyeya miciyušanpi heon miš tuwe mihakam u kte cin iye-cen ecawecon kte he wicoľian mitawa. Nakun wiconi de en toľhanyan unnipi kte cin sdonunyanpi šni. Niyepi iyulipa eeš mitokam niłapi kta naceca.” Wicalica taku e-ye cin iyecetu: koška wanji mniwanca ekta i qa minin řa, qa wanji iš okicize opa qa kte-pi, iyamni kin iš can wan etanhan ohinlipaya qa tahu pakse.

Unkiye unkiśuana awaunkiçicinpi kte śni
qa nakun tohanyan unipi kte cin sdonunyan-
pi śni he unkiksuyapi kta iyececa.



UNIVERSITY OF ILLINOIS-URBANA

973.7L63BG19A

C001

ABRAHAM LINCOLN TONI KIN, QA AESOP TAWOY



3 0112 031786053